

Hau nia respeito ba;

-Vice Presidente DPR-RI Dr. Fadly Zon,

Senhor Ir. Fary Djemi Francis,

Senhor Embaxador RI ba Timor Leste Senhor Sahat Sitorus

no membrus delegasaun husi Jakarta

Senhor Vices Presidente Parlamento Nacional, Secretária, Vice Secretaria, Chefe Bancadas parlamentares no Presidente Comissão sira.

Em primeiro lugar, hau hodi Parlamento Nacional no povo Timor Leste nia naran ható'o ami nia benvindo ba Senhor Vice Presidente no equipa husi DPR-RI nebe visita mai iha Parlamento Nacional Timor-Leste nian.

Antes hau atu komesa, hau representa Parlamento Nacional no Povo Timor Leste ható'o ami nia sentido kondolencia ba povo Indonesia tamba Professor BJ Habibie Eis Presidente Indonesia fila hikas ba aman Maromak. Figura Habibie importante tebes ba Povo Timor-Leste laos deit tamba nia Presidente RI maibé tamba nia aten brani foti desizaun hodi hala'o referendum iha Timor-Leste hodi hakotu

problema Timor-Leste nian. Actos agradesimentu ba rezolusaun konflitu ne'e, Estadu Timor Leste desidi tau naran Presidente B.J. Habiebie nian ba ponte estratéjiku iha sentru sidade Díli. No ate agora relasaun Timor-Leste no Indonesia diak liu.

Senhor Vice Presidente DPR-RI,

Visita ida ne'e importante tebes ba Parlamento Nacional no povo Timor-Leste tamba visita primeiraves lideransa DPR-RI mai parlamentu nacional no mos visita ida ne'e bele hametin liu tan relasaun entre instituisaun Parlamentar nasaun rua nian liu-liu relasaun entre Governo ho Governo no povo nasaun rua Timor Leste no Indonesia.

Iha oportunidade ida ne'e hau mos hakarak introdús liderasan Parlamento Nacional no Bancada sira nebe marka presensa iha ne'e tamba ema Indonesia dehan "Tak Kenal maka Tak Sayang".

Hau hakarak uza mos oportunidade ida ne'e atu hato'o asunto balun nebe ligado ho relasaun bilateral nasaun rua nian. Hanesan ita hotu hatene ona katak relasaun Timor Leste ho Indonesia tama ona fase

foun ida nebe produktivo no konstrutivo tebes. Timor Leste ho Indonesia nudar vizinho sempre apoio malu, ba Timor Leste iha prinsípiu ida nebe sempre uza iha ami polítika externa mak “.....vizinho nebe besik diak liu duke irmao nebe dok”. Bazeia ba ida ne’e mak Timor Leste desenvolve nia relasaun ho nasaun vizinho sira. Tamba ne’e mak Timor Leste sempre desenvolve nia relasaun diak entre Indonesia ho Australia.

Senhor Vice Presidente DPR-RI,
Parlamento Nacional suporta maka relasaun no kooperasaun diak entre governo Timor Leste no Indonesia iha aspeto edukasaun, saúde, infraestrutura, combate korupsaun, defeza, seguransa no seluk-seluk tan.

Ami hakarak hato’o katak fronteira maritima Timor-Leste no Australia finaliza ona. Maibe susesu ida ne’e laos deit servisu Timor Leste nian maibé mos hetan suporta indireita husi Indonesia, portantu ami agradese apoio nebe Indonesia fo ba determinasaun fronterira maritima Timor Leste ho Australia.

Agradese mos ba Indonesia tamba iha ona konkordánsia hodi resolve disputa fronteira terrestre entre país rua. Ami husu atu parlamentu nacional nasaun rua, suporta no apoio negosiasaun fronteira maritima Timor-Leste no Indonesia nebe estabelese ona atu tama ba fase negosiasaun nian. Espera disputa fronteira tasi nian entre nasaun rua resolve ho diak tuir normas internacional em vigor.

Ami mos hakarak hato'o katak hodi hasae liu tan kooperasaun Parlamento Nasaun rua nian tempo ona bele asina akordo ruma relasaun entre parlamentu nasaun rua iha seitor sira hanesan GOPAC, SEAPAC, Diplomacia parlamentar no seluk-seluk tan

Obrigado barak.